

Katharina Maria Kagel

Konzert in de scheune, oole Kark in Basthorst

"So", sech ick to Monika, "nu hebb wi eist mal naug doahn för Kninkentucht un Uutstellung, nu is aber eist mal Kultur an!" Da harr se ock nix geigen, un so sünd wi beiden an Sündag, den 11. November, na de scheune, oole Kark in Basthorst foahrt. De hoge Kark hett ein sehr gau de Akustik un Platz för jede Menge Lüüd. Uns Fründin Katharina Maria Kagel harr dat Konzert organeseert. Se hett mi sülwst anropen, dat Monika un ick doch koamt. Wat för ein scheunes Konzert un wat för scheune Stimmen.

Katharina Kagel hett ein Sopranstimm. Se hett all up groote Opernbühnen in In- un Uutland sunge. 2011 weur se mit ein eigen Programm in ein berühmtes Theater in Sevilla un 2012 bi dat "International Festival of Musik" in Malta. In de Kark in Basthorst hätt se, tausamen mit de Altistin Anne-Dorothea Pahl, sunge. De is Professorin för Gesang an de Hochschule för Musik in Hamburg. Begleit würrn de beiden Sängerinnen vun Gerd Jordan, de ass Pianist Organist un Cembalist international einen grooten Namen hätt.

Katharina Kagel harr dat Programm so tausamenstellt, dat mal se mal Fruu Pahl ein Solo harr. Doartwischen hebb se in Duett sunge. Dat gegünn mit Grieg. Da wulln se mal wiesen mit wat förn verdeubelte Stücke se trechtward. Dit eiste Stück hett mi nich vun Hocker, beeder gesecht vun de Karkenbank, reeten. Mien Komponisten sünd Beethoven, Mozart, Haydn un noch ein poar Düütsche un Italiener. Wunderscheun weur dat "Ave

Verum" vun Mozart, tweistimmig sunge. De beiden ergänzt sick grootoorig.

Sehr scheun wie Katharina twischen de Gesangsuptritte jümmer charmant de Handlung verkloart. Velfältig weur dat Programm. Kompositionen vun Schubert, Mendelson, Dvorak, Mozart, Puccini, Offenbach un annere. Wat mi an Katharina Kagels so besünners gefällt, ehr Stimm is weik un taugliek machtfull. De warme Altstimm vun Fruu Pahl passt sehr gaud doartau.

De Kark weur vull bet up den letzten Platz, un toletzt hebb de Lüüd in Stoahn applaudeert. "Standing Ova-

tion" heit dat wohl in englich. Katharina Kagel lewt mit Modder un Fründ in Grotensee, un ick bewunner se. To ein runden Geburtsdag hebb Döchting Sabine un Maik mi ein lütt Konzert vun Fruu Kagel schinkt. Vörher harr ick ehr taufällig vertellt, dat ick bi de Schaulentlasung dat Duett uut de Zauberflöte "Bei Männern welche Liebe fühlen" mit ein Mitscheulerin sunge heff. Up ein Stutz hätt se mi bi den Geburtsdag upfordert, dat Duett mit ehr to singen. Müsst di mal vörstellen, ein groote bildscheune Fruu un daneben ick ur-oolen Knaaken.

Hett aber ganz gaud klappt! Siet de Tied sünd wi gau de Frünn. Wi schrieb uns Breif un se hett mi sogoar ein Bild un ton Scherz ein Hart uut Kupperblick schenkt. Da lacht so ein oolen Knaaken doch dat Hart!